



18 JUN, 2021

## Kakitangan MPS didakwa bocor harga tender

Utusan Malaysia, Malaysia



Page 1 of 2

# Kakitangan MPS didakwa bocor harga tender

**KUALA LUMPUR:** Seorang penolong juruukur Majlis Perbandaran Selayang (MPS) didakwa di Mahkamah Sesyen di sini semalam atas dua pertuduhan menerima rasuah RM5,600 berhubung pembocoran maklumat sebut harga anggaran tender jabatan itu, empat tahun lalu.

Tengku Kamarul Ariffin Raja Jalil, 42, mengaku tidak bersalah selepas kedua-dua pertuduhan dibacakan di hadapan Hakim Rozina Ayob.

Bagi pertuduhan pertama dan kedua, tertuduh didakwa menerima suapan RM5,600 daripada seorang lelaki.

Wang itu sebagai upah atas maklumat sebut harga MPS kepada lelaki tersebut.

Difahamkan, sebut harga yang dibocorkan itu adalah berkaitan dengan tender.

Kedua-dua kesalahan itu didakwa dilakukan pada 22 April dan 16 Ogos 2017.

Bagi kedua-dua pertuduhan itu, Tengku Kamarul Ariffin didakwa mengikut Seksyen 17(a) Akta Suruhanjaya Pencegahan Rasuah Malaysia (SPRM) 2009 dan boleh dihukum dibawah Seksyen 24(1) akta sama.

Akta tersebut memperuntukkan hukuman penjara maksimum 20 tahun dan denda tidak kurang lima kali ganda nilai suapan atau RM10,000 mengikut mana-mana lebih tinggi jika sabit kesalahan.



**TENGKU** Kamarul Ariffin Raja Jalil (tengah) diiringi pegawai SPRM ke Mahkamah Sesyen Kuala Lumpur semalam bagi menghadapi pertuduhan rasuah. - UTUSAN/NORLIZAH ABAS



18 JUN, 2021

## Kakitangan MPS didakwa bocor harga tender

Utusan Malaysia, Malaysia



Page 2 of 2

### SUMMARIES

KUALA LUMPUR: Seorang penolong juruukur Majlis Perbandaran Selayang (MPS) didakwa di Mahkamah Sesyen di sini semalam atas dua pertuduhan menerima rasuah RM5,600 berhubung pembocoran maklumat sebut harga anggaran tender jabatan itu, empat tahun lalu. Tengku Kamarul Ariffin Raja Jalil, 42, mengaku tidak bersalah selepas kedua-dua pertuduhan dibacakan di hadapan Hakim Rozina Ayob. Bagi pertuduhan pertama dan kedua, tertuduh didakwa menerima suapan RM5,600 daripada seorang lelaki.